

جَزَائِرِ عَمَّاكِرِ

جمعه ایرتسی

نومرو	رجب	سنه	شباط	سنه	صحیفه
۶۳۸	۲۱	۱۳۰۹	۸	۱۳۰۷	۹۳۲۵

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی ینه مجیدیه یکر می غروش اولمق اوزره یوز پاره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولمق استیانتلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسم رسمی

توجهات

جزایر بحر سفید ولایتی مرکز بدایت محکمه سی
 مدعی عمومی معاونی فتوتلو عزت افندی یه
 اقدام و غیرتندن طولانی رتبه رابعه توجیه
 بیورلشدر .

قسم غیر رسمی

سعد سنجانغی بدایت محکمه سی جزا دائره سنک
 ۲۳ ذی القعدة سنه ۳۰۷ و ۲۸ حیران سنه ۳۰۶
 تاریخ و اوتوز ایکی نومرولی اعلامیله اوراق
 متفرعه سی باش مدعی عمومی ملک مأموریت
 علیه سندن ۵ صفر سنه ۳۰۹ و ۲۸ اغستوس
 سنه ۳۰۷ تاریخ و بیک طقوز یوز یتش نومرولی

تبلیغنامه ایله محکمه تمیز جزا داتر سنه کوندردل یکنندن
مطالعه اولندی .

مذکور اعلام مالی سرحدده واقع رأس
محله سی اهالیسندن احمد بن حسنک وقوعبولان
قتلندن طولانی جنایتله اتهام اولنان مذکور
سرحدده تابع بیلک قریه سنده مقیم اوتوز یاشنده
ابراهیم بن عمر ایله اوتوز بش یاشنده حسن بن
محمدک قتل مذکوره من غیر تعمد اجتناسارلری
عندالحاکم ثابت اولدیغندن مجرمیتلرینه وقانون
جزانک یوز یتیش دردنجی ماده سنده تطبیقاً اون
بشر سنه مدتله کورکه قونلملرینه حکم اولدیغنه
دائر اولوب تبلیغنامه ده دخی لایحه تمیزیه ده محرر
اولدینی وجهله مدافعات واقعه مبهم صورته ده
کچشدر یلوب خصوصیه متهملرک زمان وقعه ده
تعیین مکان ایدرک اقامه شهود دخی ایلدنکاری
حالده محکمه جه بوندن قطعاً بحث اولنامش
اولدیغندن ومعافیه معاینه راپورتنه نظر آمتهمک
برقورشون یار سندن وفاتی محرر ایکن مرقوملرک
ایکی سنده دخی فاعل مشترک اولق اوزره قاتل
جزاسی حکم اولنمقده اصابت کور یله مدیکندن
بجمله اعلام مذکورک تقضی طلب اولنمشدر .

سائر اوراق دعوی دخی قرائتله تدقیقات تمیزیه

لدی الاجرا مأموریت مشار الیهانک سالف الذکر
تبلیغنامه سنده درمیان اولنان اعتراضات بجا اولغله
برابر محاکمه ضبطنامه سنک اده قرارلریه مجرمیت
وتعیین جزا قرارلری اصول محاکمات جزائییه
قانوننک اوچیوز دردنجی و اوچیوز التنجی
ماده لری موجبجه هیئت حاکمه طرفندن امضایله
تحت تصدیقه التامش اولدیغندن اصول مذکورک
اوچیوز اون دردنجی ماده سنده توفیقاً اعلام
مذکورک اکثریتله نقضنه وایکیوز غروش اعلام
خرجنک بالتحصیل محکمه تمیزیه ارسالی لزومه
۱۴ کانون اول سنه ۳۰۷ تاریخده قرار
ویرلدی .

فی ۴ رجب سنه ۳۰۹
وفی ۲۲ کانون ثانی سنه ۳۰۷

ماردین سنجانی بدایت محکمه سی جزا
داتر سنک ۷ ذی القعدة سنه ۳۰۸ و ۲ حزیان

سنه ۳۰۷ تاریخ و یوز یکریمی درت نومرولی
اعلامیله اوراق متفرعه سی باش مدعی عمومیلک
مأموریت علیه سندن ۵ صفر سنه ۳۰۹ و ۲۸
اغستوس سنه ۳۰۷ تاریخ وایکی بیک اوچ نومرولی
تبلیغنامه ایله محکمه تمیز جزا داتر سنه کوندردل .
یکنندن مطالعه اولندی .

مذکور اعلام مالی مدنییه قادینک وقوع
بولان قتلندن طولانی جنایتله اتهام اولنان زوج
سابقی جزر دهده مقیم حسین بن محونک قتل مذکوره
من غیر تعمد اجتناساری عندالحاکم ثابت اولدیغندن
مجرمیتنه وقانون جزانک یوز یتیش دردنجی ماده سنده
تطبیقاً اون بش سنه مدتله کورکه قونلمسینه حکم
اولدیغنه داتر در .

تبلیغنامه ده دخی محاکمه ضبطنامه سی مندرجانه
نظراً متهمه وکیل تعیینندن مقصد قانونی حقوق
مدافعه سنک محافظه سندن عبارت ایکن بو قاعده
قانونیه به تمامیه رعایت ایدلماش وحکم واقعک
اساساً مستند الیهی اولان وشهودک افادانندن
متحصل اولدینی بیان اولنان اماراتک نهدن عبارت
اولدینی ایضاح قلنامش ومخالف رأیده بولندینی
مجرمیت قرارنده کوستریلان اعضادن برینک
شرحی مندرجانشندن مستفاد اولدینی اوزره

فی ۴ رجب سنه ۳۰۹
وفی ۲۲ کانون ثانی سنه ۳۰۷

تدقیقات فنییه جهتی دخی یولله اجرا قلنامش
ومدافعات مسروده نک رد ویا قبولی استلزام ایدن
اسباب موجب دخی تصریح اولنامش اولدیغنه
ونواقص مسروده ایسه نقض حکمی مستلزم اسباب
قانونیه جمله سندن بولندیغنه مبنی اعلام مذکورک
نقضی طلب اولنمشدر .

سائر اوراق دعوی دخی قرائتله تدقیقات
تمیزیه اجرا اولندقده مأموریت مشار الیهانک
سالف الذکر تبلیغنامه سنده درمیان اولنان
اعتراضات بجا ونقض حکمی موجب اسباب
قانونیه دن کورلمسکله بر موجب طلب اصول محاکمات
جزائییه قانوننک اوچیوز اون دردنجی ماده سنده
توفیقاً اعلام مذکورک نقضنه وایکیوز غروش
اعلام خرجنک بالتحصیل محکمه تمیزیه ارسالی
لزومه ۱۲ کانون اول سنه ۳۰۷ تاریخده قرار
ویرلدی .

پرزرین بدایت محکمه سندن و یریلوب
متفرعاتیله باش مدعی عمومیک مأموریت علیه سندن
۲ تشرین ثانی سنه ۳۰۷ تاریخ و اوچ بیک یوز
درت نومرولی تبلیغنامه ایله محکمه تمیز جزا
دائرة سنه کوندریلان ۱۶ مایس سنه ۳۰۷ تاریخ
و قرق سکر نومرولی اعلام قرائت اولندی .

مفاد اعلام پانجار قریه لی سلیمانک قتلند طولای
اتهام اولنان پیازیدک قاتل غیر متعمد صفتیله اون
بش سنه مدتله کورکه قونلمسی فرارینی محتویدر
تبلیغنامه ده متهمک سولمش اولدینی ضبطنامه ده
مندر اولان ابراهیم اظهار حقیقت ایچون اصولاً
استماع اولنالمش و متهمک تفنکی اولوبده اوکون
اوزرنده بولنوب بولنمدینی دخی تحقیق ایدلماش
اولدینی و برده وقعه تاریخی اوچوز الی سنه می
ایلولی اولسنه و مرقومک طقسان بر سنه سنده
تولدی دخی نفوس اداره سندن رسماً بیلدیرلسنه
نظراً عند الحسب حین وقعه ده اون بشی اکیال
ایتمدیکی و بناءً علیه قاعدهً مراهق عدی لازمه دن
بولندینی حالده اون الی یاشنده اولدیغه دائر
محکمه جه حاصل اولان ذهاب دخی قرین صواب
کوریه مدیکی مطالعاتی محرردر .

اوراق دعوی دخی قرائتله تدقیقات تمیزیه
لدی الاجرا مأموریت مشار الیهانک مطالعات
مذکورہ سی شایان دقت و بجا کورلمکله برابر
جسد میتک صورت معاینه سنی مبن اولان راپورت
مبهم یازلمش و قانون دائره سنده تحلیف ایله
استحصال ایدلماش اولدینی جهتله بونی اعطا ایدن
طیبیک عندالمحا که بالتحلیف استماعی و مشاهدات
فنیه سنک صورت و اضحه ده استحکاسی حقوق
عمومیه و اساس مسئله به تعلقندن ناشی اقدم امور
اولغله اصول محاکات جزائیہ قانونک اوچوز
اون دردنجی ماده سنه تطبیقاً اعلام مذکورک
نقضنه و ایکیوز غروش اعلام خرجنک محکمه تمیزه
لزوم ارسالنه و اوراق دعوانک سریعاً اعاده سنه
۱۱ کانون ثانی سنه ۳۰۷ تاریخینده قرار
ویرلوی .

فی ۵ رجب سنه ۳۰۹
وفی ۲۳ کانون ثانی سنه ۳۰۷

بربر علینک قتلندن طولای اتهام اولنان
احمد کھیا ایله ممشک براتلرینه دائر قرق کلیسا
بدایت محکمه سندن صادر اولان ۲ مارت سنه ۳۰۷
تاریخی اعلامک تمیزی حقنده محلی مدعی عمومی
معاونلکندن و یریلوب استعدا دائره سنجه قبول
ایدیلان استعدا نامه به مربوط لایحه ده دلائل
وامارات مستحصله نک مدار حکم اولور احوال دن
بولندیغه دائر سرد ایدیلان اعتراضات تقدیر حکامه
متعلق مواددن اوله رق نقض حکمی مستلزم اولمدینی
و فقط مدعی عمومیک طرفندن عندالمحا که در میان
ایدیلان دلائل و مطالبک رد و یا قبولی حقنده
اسباب موجباً قانونیه نک تصریح ایدلماش حقنده کی
اعتراضک بجا اولوب بوندن طولای اعلام
مذکورک فعلاً لقانون نقضی لازم که جکی مطالعه سیله
اوراق دعوی باش مدعی عمومیک مأموریت
علیه سندن غره ربیع الآخر سنه ۳۰۹ و ۲۲
تشرین اول سنه ۳۰۷ تاریخ و اوچ بیک یکرمی
درت نومرولی تبلیغنامه ایله محکمه تمیز جزا
دائرة سنه کوندریلکندن قرائتله ایجاب کیفیت
مذاکره اولندی .

فی ۵ رجب سنه ۳۰۹
وفی ۲۳ کانون ثانی سنه ۳۰۷

پرشته سنجانی بدایت محکمه سی جزا دائره سنک
۳۰ حزران سنه ۳۰۷ تاریخ و اتوز نومرولی

مأموریت مشار الیهانک مطالعه سی وجهله
حکامک و ظائف تقدیریه سنه متعلق اولان

اعلاميله اوراق متفرعهسى باش مدعى عمومىك
مأموريت عليه سندن ۱۰ صفر سنه ۳۰۹ و ۲
ايلول سنه ۳۰۷ تاريخ وايكى بيك ايكوز يكرمى
برنومرولى تبليغنامه ايله محكمه تميز جزا دائره سنه
كوندرلد يكنندن مطالعه اولدى .

اعلام مذكورك مالى پرشته قضا سنده تابع
عذيمه قريهسى اهالي سندن چركين بن ارسلانك
كيفيت قتلندن طولاي غيابة محكوم اولان ايكي
كشيدن قريه مرقومه لى عارف بن ارسلانك مؤخرأ
اله كپوريله رك وجاهاً اجرا قلنان محاكمه
عليه سنده قتل مذكوره فرارى بهلول ايله مشتركاً
ومن غير تعمد اجتناسارى ثابت اولديغندن قانون
جزانك يوز يتمش دردنجى ماده سنده توفيقاً اون
بش سنه مدته كوركه قونلمسده حكم اولديغنى
ميين اولوب تبليغنامه ده دخى كچه تقدير حكام
مصون عن الاعتراض ايسه ده هر بر حكمك
احتمالندن وارسته اوله جق صورتده دلائل قاطعه
وامارات قويه استنادى لزومى دركار اوله رق
متهم مرقوم حقنده بيان اولنان امارات بوقيلدن
اولديغنى كى بينلرنده خبر ويريلان عداوت نه در
ونه صورتله ثابت اولمشدر ومقتول قنى ياره دن
وفات ايتمشدر بورالريده اعلامده تصريح قلنامش

اولمسيه بوبايده تدقيقات تعميق و متهمك
قرداشلري ايله مواجهه لرى اجرا اوله رق ايشك
نتيجه صحيحه ايصالى مقتضى ايكن نقصان بر اقلمش
اولديغندن بخله اعلام مذكورك تقضى طلب
اولمشدر .

اوراق سائر ده دخى قرائتله تدقيقات تميزيه
اجرا اولندقه تبليغنامه ده بيان قلنان اعتراضات
وارد وبجا ونقض حكمى موجب كورلمش اولديغندن
اصول محاكمات جزائيه قانونك اوچيوز اون
دردنجى ماده سى موجب بجه اعلام مذكورك تقضه
واعلام خرجى اولان ايكوز غروشك بالتحصيل
محكمه تميزه لزوم ارسالنه ۱۸ كانون اول سنه ۳۰۷
تاريخنده قرار ويرلدى .

فى ۹ رجب سنه ۳۰۹

وفى ۲۷ كانون ثانى سنه ۳۰۷

سيواس ولايتى استيناف محكمه سى جزا

دائرة سنك ۲۴ رمضان سنه ۳۰۷ و ۱ مائس
سنه ۳۰۶ تاريخ ويكرمى بر نومرولى اعلاميله
اوراق متفرعه سى باش مدعى عمومىك مأموريت
عليه سندن ۲۶ ذى الحجه سنه ۳۰۸ و ۲۰ تموز
سنه ۳۰۷ تاريخ ويك ايكوز بر نومرولى
تبليغنامه ايله محكمه تميز جزا دائره سنه كوندرلد يكنندن
مطالعه اولدى .

مذكور اعلام مالى عساكر شاهانه افرادندن
چاللى قريه لى يانجى اوغلى احمدك قتلندن طولاي
جنايته اتهام اولنان قريه مرقومه لى افشار بكر
وهمت بك اوغلى ابراهيمك بمدالقهض ايكنجى
دفعه اجرا قلنان محاكمه لرنده قانون جزانك يوز
يتمش دردنجى ماده سنده تطبيقاً اون بشر سنه مدته
كوركه قونلملرينه حكم اولديغنى حاوى اولوب
تبليغنامه ده دخى متهمان مرقومانه مشتركاً قاتل
جزاسى حكم اولنمش ايسه ده فعلده اشتراك رينك
درجه سى يعنى قورشون انداخت ايدن قنغيسى
وبجاق استعمال ايليان قنغيسى ايدوكى تدقيق
وتصريح قلنامش وچونكه معايينه راپورتنه نظراً
قتلى انتاج ايدن جريحه قورشونك آچديغنى ياره
اولوب مرقومانندن قنغيسى بوياره يى ايضاً ايتمش
ايسه قانوناً انك قاتل اولسى وديكرينك حر كشتك

جارجيت درجه سنده قالمسى ايجاب ايدى جكى
دركار اولديغندن بخله مذكور اعلامك تقضى
طلب اولنمشدر .

اوراق سائر ده دخى قرائتله تدقيقات تميزيه
لدى الاجرا تبليغنامه ده بيان اولنان اعتراض
تقضى موجب كورلمكده اصول محاكمات جزائيه
قانونك اوچيوز اون دردنجى ماده سى موجب بجه
اعلام اخير مذكورك دخى اكثريتله تقضه وايكى
يوز غروش اعلام خرجك تحصيليله محكمه تميزه
ارسالى لزومنه ۲۷ تشرين ثانى سنه ۳۰۷ تاريخنده
قرار ويرلدى .

فى ۹ رجب سنه ۳۰۹

وفى ۲۷ كانون ثانى سنه ۳۰۷

حما سنجاغى بدايت محكمه سى جزا دائره سنك
۱۷ صفر سنه ۳۰۸ و ۱۹ ايلول سنه ۳۰۶ تاريخ
و ۱ نومرولى اعلاميله اوراق متفرعه سى باش
مدعى عمومىك مأموريت عليه سندن ۵ صفر

سنه ۳۰۹ و ۲۸ اغستوس سنه ۳۰۷ تاريخ وايكي بيك يكرى برنومرولى تبليغنامه ايله محكمه تميز جزا دائره سنه كوندرلدكنندن مطالبه اولدى .

مذكور اعلام مالى عوج قريهلى حسين بن صالح عجونك قتلدن طولاي اتهام اولنان على بن وسوف الشانك قانون جزانك يوز تيش دردنجي ماده سنه نطقاً اون بش سنه كوركه قونلمسنة حكم اولنديغنى حاوى اولوب تبليغنامه ده دخى وكيلك مدافعتندن متهمك اوزرينه تشهير سلاح اولنمىندن ناشى فعل جرحى مقابله ايضاً ابتدكنه دائر اولان جهت متهمك قول مجر دنده قالد يغندن بحثله رد اولنمش ايسه ده اولبايده تعميق تدقيقات اولنماش وحالبو كه فعل قتلك بوصورنله وقوعك عدم صحى حالنده اولبايده سائر برسبك وجودى لايد بولنمش اولديغندن والت قتل حقنده اولان مدافعه مسكوت عنه براقلمش ايدوكندن واشبو ايكي نقصانك حكمه تاثيرى دركار بولنديغندن نواقص مذكوره نك محلنجه بالا كال حاصل اوله جق نتيجيه كوره كيفيت ديكر اعلامه ربط ايدملك اوزره مذكور اعلامك نقضى طلب اولنمشدر .

اوراق سائر ده دخى قرائتله تدقيقات تميزيه

لدى الاجرا تبليغنامه ده بيان اولنان اعتراضات بجا ونقض حكمى مستلزم احوالدين كورلملكه اصول محاكمات جزائيه قانوننك اوچيوز اون دردنجي ماده سى موجبجه مذكور اعلامك نقضه وايكيوز غروش اعلام خرجك تحصيليله محكمه تميزه لزوم ارسالنه ۱۴ كانون اول سنه ۳۰۷ تاريخنده قرار وى رلى .

فى ۹ رجب سنه ۳۰۹
وفى ۲۷ كانون ثانى سنه ۳۰۷

دكرلى سنجاغى بدايت محكمه سى جزا دائره سنك ۲۰ ربيع الاول سنه ۳۰۷ و ۳۰ تشرين ثانى سنه ۳۰۵ تاريخ و قرق سكر نومرولى اعلاميله اوراق متفرعه سى باش مدعى عمومىك مأموريت عليه سندن ۱۰ صفر سنه ۳۰۹ و ۲ ايلول سنه ۳۰۷ تاريخ وايكي بيك يوز الله بر نومرولى تبليغنامه ايله

محكمه تميز جزا دائره سنه كوندرلدكنندن اوقندى .

اعلام مذكور مفادى حوتاز ناحيه سنه تابع كوزلر قريهلى على اوغلى مصطفى اخناق واتلاف ايدىكلى ادا اولنمىندن طولاي جنايتله اتهام اولنان زوجه سى كلثوم و بيرام اوغلى خليلك بروجيه محرر قتل مذكوره اجتسارلى عندالحا كه ثابت اولديغندن مجرميتلرينه وقانون جزانك يوز تيش دردنجي ماده سنه توفيقاً اون بشر سنه مدته كوركه قونلملرينه حكمل اولنديغنى ميين اولوب تبليغنامه ده دخى بعض قسم محاكمه لك ضبطنك امضاييله تأمين اولنامسى اصول محاكمات جزائيه قانوننك اوچيوز اون التيجى ماده سى مفهومنجه اعتباردن سقوطنى موجب اولوب مع مافيه متهمك ماده قتلده درجه فعل وحر كترى تصریح قلنامش اولديغندن بحثله اعلام مذكور نقضى طلب اولنمشدر .

اوراق سائر ده دخى قرائتله تدقيقات تميزيه اجرا اولندوقده محاكمه ضبطنامه سنك برنجي وايكنجى قسم اره قرارلرينك امضاسز اولديغنى كورلملكه تبليغنامه نك اولبايده اولان اعتراض وطلب واقعى موافق قانون اولديغندن اصول محاكمات

جزائيه قانوننك اوچيوز اون دردنجي ماده سنه توفيقاً اعلام مذكور نقضه وايكيوز غروش اعلام خرجك بالاستيفا محكمه تميزه لزوم ارسالنه ۱۸ كانون اول سنه ۳۰۷ تاريخنده قرار وى رلى .

فى ۹ رجب سنه ۳۰۹
وفى ۲۷ كانون ثانى سنه ۳۰۷

قسطمونى ولايتى استيناف محكمه سى جزا دائره سنك ۸ ربيع الاخر سنه ۳۰۷ و ۱۹ تشرين ثانى سنه ۳۰۵ تاريخ و يوز يكرى التى نومرولى اعلاميله اوراق متفرعه سى باش مدعى عمومىك مأموريت عليه سندن ۵ صفر سنه ۳۰۹ و ۲۸ اغستوس سنه ۳۰۷ تاريخ و بيك طقوز يوز اوتوز بش نومرولى تبليغنامه ايله محكمه تميز جزا دائره سنه وى رلى كندن اوقوندى .

مذکور اعلام مالی اینه بولی قضاسنه تابع
کوره نحاس ناحیه سنه مضاف اربك بهاءالدين
قریه سی اهالیسندن تانار اوغلی محمدك وقوعبولان
قتلندن طولای جنایتله اتهام اولنان قریه مذکور
اهالیسندن تانار اوغلی احمدك محکومیتی حقه
مقدم ویریلان اعلام نقض واعاده قلمسی اوزرینه
اخیراً اجرا قتلان محاکمه نتیجه سنده قانون جزانك
یوز یتش دردنجی ماده سنه تطبیقاً اون بش سنه
کورکه قونلمسنه حکم اولدیفنی حاوی اولوب
تبلیغنامه ده دخی برقاچ قسم محاکمه ضبطلرینك
وانی تعقیب ایدن اده قرارلرینك امضادن حالی
براغلمسی اوقسم محاکمه لرك صورت جریانتك
تحت تأمینہ التامش اولدیفنی افهام و بوده اصول
محاکمات جزائیہ قانوننك اوچوز التتجی ماده سی
مفهومنجه انلرك اعتباردن سقوطی استلزام ایدوب
مع مافیه متهمك مؤخرأ مطلع اولدیفنی بر قضیه
ایچون بیان ایلدیکی بعض شهودك اظهار حقه مدار
اولق اوزره اولسون استماعی لازم ایکن اولبابده
اولان طلبك ردی دخی حق مدافعه بی محافظه ایدن
قاعدۀ کلیه منافی اولدیفندن بخله اعلام مذکورك
نقضی طلب اولنمشدر .

اوراق سائرہ دخی قرائتله تدقیقات تمیزیہ

اجرا اولدقدہ تبلیغنامه ده محررا اعتراضات مصیب
ونقض حکمی موجب اسباب قانونیه دن کورلمش
اولدیفنه مبنی اصول محاکمات جزائیہ قانوننك اوچ
یوز اون دردنجی ماده سنه توفیقاً اعلام مذکورك
نقضنه وایکوز غروش اعلام خرجنك بالتحصیل
محکمۀ تمیزیہ لزوم ارسالنه ۱۲ کانون اول سنه ۳۰۷
تاریخنده قرار ویرلدی .

فی ۹ رجب سنه ۳۰۹

وفی ۲۷ کانون ثانی سنه ۳۰۷

ارضروم ولایتی استیفاف محکمہ سی جزا
دائرہ سنك ۶ ذی القعدہ سنه ۳۰۶ و ۲۲ حزیران
سنه ۳۰۶ تاریخ و اوتوز الی نومرولی اعلامیه
اوراق متفرعہ سی باش مدعی عمومیلک مأموریت
علیه سندن ۳ ذی الحجه سنه ۳۰۸ و ۲۸ حزیران
سنه ۳۰۷ تاریخ و طقوز یوز یتش سکر نومرولی

تبلیغنامه ایلہ محکمۀ تمیزیہ جزا دائرہ سنه کوندردلیدیکندن
مطالعہ اولدی .

مذکور اعلام مالی ارضرومده واقع سلطان
ملك محله لی جلب عیسانك اغنامی سرفت اولمسندن
طولای جنایتله اتهام اولنان فان رشان قریه لی
محمد بن احمد وفزان قریه لی چوبان درویش بن
عمر و برادری شویشك قانون جزانك ایکی یوز
یکرمی برنجی ماده سنه تطبیقاً دردر سنه کورکه
قونلملرینه حکم اولدیفنی حاوی اولوب تبلیغنامه ده
دخی مجرمیت قرارنده نوع جرم تقدیر اولنامش
اولغله برابر فعل سرقتده معامله جبریه نك وقوع
وثبوتندن دخی بحث ایدلماش اولدیفندن و محکمۀ
مذکورہ مدعی عمومیلکندن اخیراً وارد
اولان ۲۷ مارت سنه ۳۰۷ تاریخلی تحریرانده
مرقومونك اوچر سنه مدتلہ محکوم ایدش اولدقلمری
حالده بوبایدکی ضبطنامه واعلام زیاده جزای
حاوی اولدقلمری بیلدیرلکده اولوب و حالبوکه
اوراق موجودده او یله برمیابنت وسهو وقوعنه
دائر اشارت کور یله میوب مع مافیه اعلامك
بر موجب طلب نقضی حالده اجرا قلنه جق محاکمۀ
اخیره ده سهو مذکور واقع ایسه تصحیح اولنه
بیله جکندن بخله سالف الذکر سبیدن طولای

اعلام مذکورك نقضی طلب اولنمشدر .

اوراق سائرہ دخی قرائتله تدقیقات تمیزیہ
اجرا اولدقدہ تبلیغنامه ده بیان اولنان اعتراض
بجای اولدقدن ماعددا مجرمیت و جهت جزائیہ
قرارلری هیئت طرفدن امضا اولنامش اولدیفندن
اصول محاکمات جزائیہ قانوننك اوچوز اون
دردنجی ماده سی موجبجه مذکور اعلامك نقضنه
وایکوز غروش اعلام خرجنك تحصیلیه محکمۀ
تمیزیہ لزوم ارسالنه ۱۶ تشرین ثانی سنه ۳۰۷
تاریخنده قرار ویرلدی .

فی ۹ رجب سنه ۳۰۹

وفی ۲۷ کانون ثانی سنه ۳۰۷

انقره محکمۀ استیفافیه سندن ویریلوب باش
مدعی عمومیلک مأموریت علیه سندن ۳۰ تشرین ثانی

سنه ۳۰۷ تاريخ واوچ بيك يديوز بر نومرولى
تبليغنامه ايله محكمه تميز جزا دائره سنه كوندريلان
۴ حزيان سنه ۳۰۷ تاريخ و يوز اون ايكي
نومرولى اعلام قرائت اولدى .

مفاد اعلام بايندرلى مصطفىانك قتلندن طولاي
اتهام اولنان صاتلمشك قانون جزانك يوز تيمش
دردنجى ماده سنه تطبيقاً اعدامنه قرار و يرلديكنى
شامل اولوب تبليغنامه ده دخى محاكات جاريه نك
برقسم ضبطنك امضاسز بر اقملى امر محاكمه نك
صورت سالمده جريانى تأمين ايدن قاعده به مغاير
اولدينى و قتلك تسلط عرض يولنده وقوعى
خديجه نك افاده مجرده سننده قالمش و برده اله
كچمش اولان فس و پوسكل حقه ده اطرافيله
تحقيقات جريان ايتامش ايدوكى و حق شخصيدن
طولاي مرافعه شرعيه اجراسى لازمه دن بولندينى
مطالعانى محرردر اوراق دخى فراشه تدقيقات
تميزيه لى الاجرا مأموريت مشاراليهانك مطالعات
سابقه سى شايان دقت و بجا اولغله برابر مكرراً
اخطار اولندينى وجهله اعلامده متهمك افادات
واعتراضاتى و مدعينك مدعياتى و شهودك صورت
جلب واستحكاكى و اوراق لازمه مضامينى على -

الدرجات درج وايضاح ايدلك لازمه دن ايكن يته
ضبطنامه به عطف ايله اعلام غايت مختصر تنظيم
ايدلمش و متهمك شهود عليه نده كى طعن بالندا كره
اسباب موجب بيانيله رد و يا قبول اولنامش اوله رق
برده طيب راپورى قانون دائره سننده بالتحليف
استحصال ايدلامسندن ناشى شو معامله نك حكم
قانونه توفيقى ايچون عندالحاكمه طيبك محلفاً
استماعى و ديار آخرده ايسه قاعده قانونيه وجهله
معلوماتنه مراجعت ايدلسى اهم اولغله اصول
محاكات جزائيه قانوننك اوچيوز اون دردنجى
ماده سنه تطبيقاً اعلام مذكورك تقضيه و ايكيوز
غروش اعلام خرجنك بالاستيفاء محكمه تميزه
لزوم ارسالنه ۲۰ كانون اول سنه ۳۰۷ تاريخنده
قرار و يرلدى .

فى ۱۲ رجب سنه ۳۰۹

وفى ۳۰ كانون ثانى سنه ۳۰۷

(اوچيوز يدى سنه سى عيد فطرينك ايكنجى)
(صالحى كوني ككبوزه قضاسنه تابع اورخانلى)
(قريه سنه لمصلحة كلش اولان چودار اوغلى)
(حسيني ضرب و جرح ايله اتلاف ايلدكرى)
(ادعا قلمسندن طولاي مظنون عليهم اولان)
(يعقوب پهلوان و سالم و شاكر اوغلى حسن)
(و عمر اوغلى عثمان و قدیر اوغلى مصطفى و امام)
(اوغلى احمد و كل حسن و زابون اوغلى محمد)
(چاوش نام اشخاصك اجرا قلمسان محاكمه)
(عليه لرى ضبطنامه سى صورتيدر)

اوچيوز يدى سنه سى عيد فطرينك ايكنجى
صالحى كوني ككبوزه قضاسنه تابع اوخانلى قريه سنه
لمصلحة كلش اولان چودار اوغلى حسيني ضرب
و جرح ايله اتلاف ايلدكرى ادعا قلمسندن طولاي
مظنون عليهم اولان يعقوب پهلوان و سالم و شاكر
اوغلى حسن و عمر اوغلى عثمان و قدیر اوغلى مصطفى
و امام اوغلى احمد و كل حسن و زابون اوغلى محمد
چاوش نام اشخاصك جنايته اتهاملرينه دائره هيت
اتهاميه دن تنظيم و اعطا قلمسان ۲۸ تموز سنه ۳۰۶
تاريخ و ايكيوز اون اوچ نومرولى مضبطه ايله
استيناف مدعى عموميلكنك ۲۸ اغستوس

سنه ۳۰۶ تاريخ و درت بيك التمش بر نومرولى
اتهامنامه سى اوراق متفرعه سيله ۲۴ تشرين اول
سنه ۳۰۶ تاريخنده محكمه جنايته توديع قلمغله
بالمطالعه اصول محاكات جزائيه قانوننك ايكيوز
قرق سكرنجى و ايكيوز قرق طقوزنجى ماده لرينه
توفيقاً متهملر تاريخ مذكورده توقيفخانه دن
كتورديله رك استجواب و مدافعه لرنده معاونت
ايتك اوزره بروكيل انتخاب ايلملرى تكليف
اولندقه بولردن سالم و شاكر اوغلى حسن و عمر
اوغلى عثمان و قدیر اوغلى مصطفى محكمه نژدنده
بولنان دعوى و كيللرندن بابايان بدروس افندي يى
انتخاب و توكيل ايلدكرى و ديكرلرى منتخب
و كيللرى بولنديغى سويلملر يله مرقومونه دخى
قلايجيان كرقور افندي جانب محكمه دن و وكيل
تعين اولنه رق قانون مزبورك ادعاى مفسوخيت
حقنده اولان ايكيوز اللى برنجى ماده سى مندرجاتى
اخطار قلنديغى ميسين طوتيلان ضبط ورقه سى
تحت امضايه ديرلدى .

ادعاى مفسوخيت ايچون معين اولان مدت
قانونيه منقضيه اولغله مرقومونك اجراى محاكمه لرى
سنه مز بوره شباطنك ايكنجى چهارشنبه كونه
قرارلشديرلدى .

ماده سی حکمی مستلزم افعال جنائیه دن بولنمش اولدیغندن جنایتله اتهام اولدقلرینی و اتهامنامه نك مفادی دخی مضبطه مذ کوره مزایای و جهله مرقومونك متهم بولندقلرینی میبندرد.

اتهامنامه نك خلاصه سی جانب ریاستدن متهمله تفهیم و معاون مومی الیه طرفندن دخی اتهاملرینی موجب اولان اسباب بیان و تشریح اولدقدن صکره مرقومون سو یل تدیرلده بولردن یعقوب پهلوان بیرامک ایکنجی کونی قرینلرند بیرام بری تعبیر ایتدکاری محله رفقاسیله برابر اوتورمقده ایکن چودار اوغلی حسینك دخی اوراده اولدینی وقادینلره قارشو اوتورمقده بولندینی کورلمکله قالقوب کتمسی و کتمدیکی صورتده ضرب ایده جککری رفیقلمی طرفلرندن زابون اوغلی محمد چاوش واسطه سیله چودار اوغلی حسینک تکلیف و اخطار ایدلیدی حالده مرقومك تکلیف مذکورری رد ایتمش اولدینی خبر ویرلمسی اوزرینه جمله سی برابر اورایه کتمش ایسه لرده منازعه صره سنده مرقوم حسین کندیسینی ارقه سندن وقاصغندن جرح ایتدیکی جهته وقوعات متعاقبه دن معلوماتی اولمدیغنی و سالم دخی وقعه کونی کندوسی عمر اوغلی عثمان وقدر اوغلی مصطفی

یوم مذ کورده متهملر قانون دائره سنده توقیفخانه دن کتوردیله رك وکیلاری یانلرند اولدقلری و مدعی عمومی معاونلرندن مصطفی اقدی دخی حاضر بولندینی حالده علناً محاکمه اجراسنه باشلا نیله رق مرقومون استجواب اولدقلرند بولردن یعقوب پهلوان ایله امام اوغلی احمد یکر میشر و سالم و شاکر اوغلی حسن وقدر اوغلی مصطفی دخی اون سکرر و عمر اوغلی عثمان اوتوز وکل حسن یکر می سکرر و زابون اوغلی محمد چاوش دخی یکر می بش یاشلرند اولوب جمله سی ککبوزه قضاسنه تابع اورخانلی قریه سی اهالیسندن ورنجبر کروهندن بولندقلرینی سویلملریله کندیلرینه و وکیلان مومی الیه مایه قانون مز بورک ایکی یوز التمش دردنجی و ایکوز التمش بشنجی ماده لری مدلولاتی اخطار اولدقدن صکره اتهام مضبطه سیله اتهامنامه ضبط کاتی عزمی بکه اوقوتدیرلدی.

ذکر اولنان مضبطه نك مالی مرقومونك قتل قتل مذ کوره جراتلری شاهدلرک مع القسم وقوعبولان اخباراتی و ایچلرندن یعقوب پهلوانك مؤلاً وقوعبولان اقراری و معاینه راپورتی مؤداسی ایله ثابت اولمش و حرکتلری قانون جزانك قرق بشنجی ماده سی موجبجه یوز یتمش دردنجی

فقط کندوسی فعل ضربه جرأت ایتامش و بشقه برشیدن معلوماتی دخی بولمامش اولدیغنی و امام اوغلی احمد دخی وقعه کونی کندوسی چودار اوغل حسین و سائر ایله برلکده اوتورمقده لر ایکن کندولرینه بش اون خطوه مسافده بولنان یعقوب پهلوان و رفقاسی ایچلرندن زابون اوغلی محمد چاوشی کوندره رك چودار اوغلی حسینك اورادن قالقوب کتمسینی و کتمدیکی صورتده ضرب ایده جککرینی اخطار ایتمش ایسه لرده چودار اوغلی حسینك رد ایتمش اولمسنه مبنی ابتدا یعقوب پهلوان و متعاقباً رفقاسی چودار اوغلی حسینك اوزرینه هجوم ایله اللرنده بولنان صوبه لر ایله ضرب ایتدکاری صره ده کندوسی مجروح اولمغله قریه نك قهوه خانه سنه کیدوب منازعه یی اخبار ایتمش اولدیغنی ولدی السؤل مرقوم یعقوب پهلوان رفیقلمی شاکر اوغلی حسن و عمر اوغلی عثمان وقدر اوغلی مصطفی و سالم ایله برلکده و کندیلرینه اون خطوه مسافده اوتورمقده ایدوکنی وکل حسن دخی وقعه دن براز اول کندیسینی دخی بیرام محله بولنمش و یعقوب پهلوان ایله برلکده اوتورمش ایسه ده مذکور منازعه عودتندن صکره ظهور ایتمش اولدینی جهته هیچ برشیدن معلوماتی بولندیغنی و زابون اوغلی محمد

و شاکر اوغلی حسن برابر اوله رق بر طرفده و یعقوب پهلوان دخی زابون اوغلی محمد چاوش و امام اوغل احمد وکل حسن برلکده دیگر طرفده اوتورمقده لر ایکن برکورتی ایشیدیلره رك بوسره ده مرقوم یعقوبك کندولرینه اون بش خطوه مسافده بولنان چودار اوغلی حسین جرح ایتدیکنی کورمش اولدیغنی و شاکر اوغلی حسن دخی مرقوم سالمك افاده سی و جهله اوتورمقده لر ایکن برکورتی ایشیدیلوب یعقوب پهلوان ایله چودار اوغلی حسینك دو کشمکده اولدقلرینی کورمش ایسه ده بشقه شیدن معلوماتی بولندیغنی و عمر اوغلی عثمان دخی وقعه دن یعقوب پهلوان و امام اوغلی احمد وکل حسن ایله چودار اوغلی حسین یینلرنده برجالی سرقندن طولانی منازعه سبق ایتمش اولدینی کی وقعه کونی دخی برمنوال محرر ظهور ایدن منازعه اثناسنده مرقوم یعقوب پهلوان و امام اوغلی حسن اللرنده بولنان صوبه لر ایله چودار اوغلی حسین ضرب ایدوب نهایت بولردن یعقوب پهلوان چودار اوغل حسینك النده بولنان بیجاغی الهرق مرقومی ارقه سندن جرح ایتمش اولدیغنی وقدر اوغلی مصطفی دخی ذکر اولنان منازعه صره سنده مرقوم یعقوب پهلوانك یدنده بیجاغی اوله رق غلبه لك ایچندن چیفدیغنی کوروب

اعلان

خروف و خروم قادينلر ايله راديقتك ۹۶
نومرويه مقيد در سعادت برنحي حقوق دائره سنك
اعلامى موجبجه استقان وزوجه سى المونيه قادين
ذمتلرنده الاجقلى بولنان معلوم المقدار مبالغك
تأمين استيفاسيچون مرهون اولوب طرفينك رضا
وموافقترليله فروختي قرارلشدير يلان صماتيه ده
صولي مناستر جاده سنده واقع تخميناً طقسان
آرشوندن عبارت بر قطعه عرصه تمامنك تاريخ
اعلانن اعتباراً اون بش كون صكره بالمزايدة
فروخته تشبث اولنه جنى در سعادت اعلامات نظاميه
اجرا دائره سندن اعلان اولنور .

في ۸ شباط سنه ۳۰۷

چاوش دخی وقعه كونی یعقوب پهلوان چودار
اوغلی حسینك اورادن قالقوب كتمسنى و كتمز
ایسه ضرب ایده جكلرنی كندیسیله خبر كوندر .
دیكندن كیدوب مرقوم حسینه سويلمش ایسه ده
رد ایتكله عودت ایدرك یعقوب پهلوانه برشی
سويلمكسزین قهوه خانه یه كتمش اولدیغنی و براز
صكره امام اوغلی احمده یاره لی اولدیغنی حالد
قهوه خانه او كنده تصادف ایتدیكنی ولدی .
الاستیضاح امام اوغلی احمدك افاده سى وجهله
مرقوم یعقوب پهلوانك رفیقلى شاکر اوغلی
حسن و عمر اوغلی عثمان و قدیر اوغلی مصطفى
وسالم اولوب بونلر ايله برلكده اوتورمقده
اولدیغنی افاده ایلدیله .

مابعدی وار